



Januali 25, 2024

Helen Klengenber  
Ikhivautalik, Katimajiinni Aulapkaijiinni  
Nunavunmi Ilihariaqpaalivik  
Box 600  
Iqaluit, NU X0A 0H0.

Minista Daniel Qavvik  
Minista Munarijuq Nunavunmi Ilihariaqpaalivingmi  
Maligaliurviup Igluqpaa  
Nunavunmi 926 Federal  
Road Iqaluit, NU X0A 0H0.

Talvuuna: Katimajiinni Aulapkaijiinni Kiudjutaa uumunga Titiraqmun Niriuktaujunun 2023-24

Haluu Minista Qavvik:

Pidjutigiplugit Nunavunmi Ilihariaqpaallirvik Katimajiinni Aulapkaijiinni (Katimajiujut), quviahuktunga tunihiplunga uminga kiudjutikhamik titiraqhimajumik Niriuktauhimanikkut uvunga 2023-24-mun. Qujagijagin naunaijautingnik hivulliutiujukhanik turaangajunun uvunga Nunavunmi Ilihariaqpaalivingmi (NAC) uvani nutaami maniliqinikkut ukiungani. Katimajit niriuktun havaqatigijumaplutin ukuallu Aulapkaijiit havaktiit havagutinun pinikkut hapkuninga hivulliutiujumajunik turaangadjutiniklu.

Katimajit ihivriuqhimajaa Nunavut Kavamanganin *Katujjiluta* havaguti, ilaujugullu uumunga tautugutimun pipkaidjutiffaarutikkut iliharutinun. Ilihariaqpaaliviup havagutikkut hivunikhaa uqautigilluaqtuqaqtuq akhuurnarninganun aanniaqtailidjutinun hanaqidjutainnullu piliunirniklu ajuittunik piqpiaqpektuniklu havaktinik, ilaujullu inulirijit munarhiillu.

Ilihariaqpaalivik piqaraanginnaqhimajuq nakuujunik naunaiqhimadjutinik maniliqinikkullu munaridjutinik piniaraanginnaqhimajullu aularaanginnarutilugu hamna. Ilihariaqpaalivik havaliqtuq atuqtpkailirnimun uminga Ilihaqtuni Ilitturihimadjutikkut Pidjutimi aturniaqtaalu una havaguti ikajuutikkut unniudjutini ihuaqtuni havagutikkut naunaitkutainnik.



Ilihariaqpaalivik qiniqhiahimmaqtuq qanuriliurutikhanik amigaiqtijuummirutikhakkut Inuinnarnik havaktukhanik tamainni aallakkiingni havaakhakkut qanurittuni. Ilihariaqpaalivik kangiqhihimajuq pivallianiit ilihainirnik angummadjutit Inuinnainni tadsa talvani nuutiliqtulluunniit ilihaijunirnun havaakhanun uvani ajuittuni qanurittuni havalirniirni pidjutilik pihimanirnik quulliqpaangjunik pidjutainni iliharnirnik pihimajainnik. Ilihariaqpaalivik havaqatiginiqtaa Iliharvigjuani paannarijamini, Memorial University of Newfoundland and Labrador, qiniqhianirmi pinahuarutimi uuktuqvikhanik ukununga Mastersmut pidjutikhanun ikajuriami amigaittuni ajuiqhimajakhani, iliharnirnun ajuiqhimanirnullu tadsa pihimajun havaktinin Ilihariaqpaalivingmi.

Mighaagun hivitujuni parnaqutikhakkut hivunikhaliurnirni, amigaittun akhuurutaajun titiqqidjutingni kiujauniaqtun uvani parnaqutikhakkut hivulliutijumajajuni aajikkiivjaktun taapkununga titiraqhimajuni tadsa Havagutikkut Hivunikhaptikni. Atuqtipkailiriami parnaqutikhami hivulliutijumajani, Katimajit akhuuqhaqtaa Ilihariaqpaalivik aulahimmaaqplugu piniaqhimanikkut paannariirutikhanik uuktuqvikhaniklu havaqatigiiklugin aallat, Nunavunmi ahinilu. Amigaittun pinahuaruti hailihimapkaidjutiitpingni pidjutitgit ukunani pingahuujunin ilaujunin tuniudjutainnin. Paannariigutiitpingni uumani Memorial Universitymi, pilik, aulahimmaarniaqtuqlu, amigaiqjuummiqtirutinik uuktuqvikhanik ilihagun, ilihaijun, qaujihaijunnullu.

Mighaagun havaqatigiikkut GN havagviinni aallanilu havaktipkaijini naunaijariami kitunik pinahuarutikkut uuktuqvikhamik, NAC angijunik ikajuutilgit pingahunun pinahuarutiminun uvunga 2023-2024 iliharnikkut ukiumi: angiklijuummiqtirniq uumani Nunavunmi Ilihaijikhannun Iliharutikkut Pinahuarutimi, una Laisiqatukkut Munaqhiit Ikajuqtaini Pinahuarutimi uvanilu Qaritaujaliqidjutikkut Havaktiujunik pinahuarutimi. Amigaiqjuummirmia pinahuarutini ukununga aallanun nunallaanun pivalliahimajuq taapkununa uuktuqvikhanik ukununga pinahuujunin ilaujunin maniliqtuutiinnin havaqatigittiaqhugillu havagviit havaktipkaijiillu, tautungnatqiarlu uumunga Nunavunmi Ilihaijikhannun Iliharutikkut Pinahuarutimi. Hiamitiqtauhimajukkut tuniudjutaanik pidjutimik uumani pinahuarutimi tautuktiniaqtuq akhuuqtumik ilitturidjutimik Ilihariaqpaalivingmun, ukunungalu tamainnun Nunavunmi tigummidjutiqaqtunun pijumajun ikajuqhugin ajuiqharniit iliharniillu Nunavunmi nunallaani.

Pittaarniq taimaatun iliharutiupluni ukuallu Inuktut Uqauhiit naudjutaajun Ilihariaqpaalivingmun. Ilihariaqpaalivik havakhimmaarniaqtuq havagutigilugu havaktakhanik



ataani *Iliharjauhijumajunut Uqauhinut Maligaqmi*. Iliharjaqpaalivik havangniaqtuq uvunga atuqtiliqpallianirnun hapkuani hivulliudjutiumajainnik tunihilunilu Inuktut ajuiqharnirnik ikajuutauniaqtun havaktikhani ihariagijainni aallanun Havagviinni atuqtipkarlugu *Maligaq*.

Uvani maniliqinikkut naunaiqhimagjutinik niriuktauhimagjutiniklu, Katimajiit nakuudjutitgit tadja piqaramik katimajiumik havaaqatsumik ajuittumik maniliqiumik. Havaqatigivaktaa Iliharjaqpaaliviup Atanngujaa Maniliqinikkut Havakti ihivriuqpaktaillu maniliqinikkut titiqqat hivuagun miiturutin, taimaatun nakuujumik ilitturipkaqtitauhimajugun ihumaliurupta. Iliharjaqpaalivik piniaqhimagvaktuq iniqtirnarhuaqhugin maniliqidjutikkut unniudjutinik havaktakhamingnik angummadjutitugillu umikvikhainnun; pihimagvaktuq nakuujunik unniudjutinik uumanga Kiinaujanut Ihivriuqtiqjuamin ukuallu qujaginnait ihumagijaujun naunaijaqtaujun ihuaqhaqtauhimavaktun qilamik. Katimajiit havaqatigivaktaa Atanngujaa Maniliqinikkut Havakti unalu Iliharjaqpaaliviup Maniliqinikkut Aulapkaidjutikkullu havaktiit pipkaijaami taapkuat Iliharjaqpaaliuviup maniliqinikkut havaktakhait iniqtaujun pitqujauhijumajun.

Katimajiit ikajurumajaalu aulapkaidjutiit Iliharjaqpaalivingmi. NACkut ilauqatigiingnia uvani Aviktuqhimagjumi Kuapuriisiinni Katimajiinni tuniniaqtuq uuktuqvikhamik kuapuriisiinni havaqatigiiklutik akhuqlutiklu aajjiikkiigutikhanik angummadjutinik unniudjutinik pitqujauhijumajun. Tamarmik Aulapkaijivun unalu Atanngujaa Maniliqinikkut Havaktikpullu ilaujuk uumani katimavingmi pidjutiplugu Iliharjaqpaalivik.

Taimaalu, NAC havaqatiginiqtaata Kiinaujaliqijikkut Havagvia piliurluni Titiraqmik Kangiqhidjutimik uumunga Nunavut Kavamanganun. Una naunaijarniaqtaata kituni havaarijait havaktakhailu timiqutiptingnun, ilikkuurlutik uvanilu havaqatigiiklutiklu.

Iniqtirutaanun, qujagijumajaffi tuniudjutingni qulvahiktuni niriuktaffingnik hiuvlliutijumajaffingniklu uvaptingnun. Katimajiit Iliharjaqpaaliviklu havangniaqtun pidjutijaami taapkuat nakuutqijaunikkut havaktaaqtaptingni, kihimi ilaani ajurnavjapakpaktuq talvuuna amigaittunin havaktikhanin ilihaijinillu havaktikhainnirnun. Havangniaqhimagjullu pijaami tautugutainnk nunallaani pivallianirni, iliharutinik ajuiqharutiniklu iliuraqhimagjun uvani *Katujjilutami*. Taimaatullu, tunijumajugun angummadjutitugaluni niriuktaujunik atuqtauraanginnarutiniklu aallani iliharutikkut iliharviinnin, taapkualluanilu Kanadami ukiuqtaqtuup nunarjuanganilu.



NUNAVUT  
ARCTIC  
COLLEGE

Minista Qavvik, Katimajiillu niriuktun miitiqatigijumaplutin. Niriukpiaqtugullu qakugumi uqaqatigijaaptingnik ukuninga parnaqutikhakut hivulliutiujumajavun ilingnun.

Pittiarnikkut,

Helen Klengenberg

Ikhivautalik, Nunavunmi Ilihariaqpaalivingmi Katimajiinni Aulapkaijiinni

Cc: Rebecca Mearns, Angijuuqqaq Nunavunmi Ilihariaqpaalivingmi  
Daniel Young, Tukliq Minista, Kiinaujaliqinikkut Havagvia